



Број: 01/4-50-3-4-3/15
Сарајево, 30.1.2015.

ZAPISNIK

3. sjednice Komisije za finansije i budžet Predstavničkog doma Parlamentarne skupštine BiH, održane 27.1.2015., u vremenu od 11,00 do 12,45 sati

Sjednici Komisije prisustvovali su članovi: Vjekoslav Bevanda, Salko Sokolović, Dušanka Majkić, Mirsad Isaković, Aleksandra Pandurević, Damir Bećirović i Jasmin Emrić.

Opravdano su odsustvovali Nenad Lalić i Amir Fazlić.

Sjednici su, također, prisustvovali: Mirsad Đonlagić, poslanik u Predstavničkom domu PSBiH, Vlatko Dugandžić, pomoćnik ministra, Sehija Mujkanović, pomoćnica ministra, i Amela Hasanbegović, šefica odsjeka u Ministarstvu finansija i trezora BiH, Dževad Nekić, zamjenik generalnog revizora, i Božana Trninić, zamjenica generalnog revizora u Uredu za reviziju institucija BiH, Omer Kulić, predsjedavajući Vijeća Agencije, Marin Raspudić, vršilac dužnosti direktora, Damir Ćopić, vršilac dužnosti zamjenika direktora, i Đelal Hasečić, vršilac dužnosti zamjenika direktora Agencije za pružanje usluga u zračnoj plovidbi BiH, Marinko Šimunović, zamjenik generalnog direktora, i Asmira Tahirović, stručna savjetnica za budžet Direkcije za civilno zrakoplovstvo BiH, Jelena Brkić, stručna saradnica u Kabinetu predsjedavajućeg Vijeća ministara BiH, Maja Ribar, politička savjetnica u EUSR-u, Samir Mušović, savjetnik u USAID SGIP, Nejra Neimarlija Roić, saradnica u Institutu za razvoj mladih KULT, Zoran Brkić, viši stručni saradnik za informiranje u Sektoru za odnose s javnošću Sekretarijata PSBiH, Aida Kreho, stručna savjetnica u Zakonodavnompravnom sektoru Sekretarijata PSBiH, Samir Buljina, stručni savjetnik, Vlade Srdanović, stručni saradnik, te Željko Kosmajac, sekretar Komisije.

Sjednici su prisustvovali i predstavnici medija: Snježana Samardžija, novinarka SRNA-e, Nihada Hasić, novinarka „Nezavisnih novina“, Željka Domazet, novinarka „Glasa Srpske“, i Adela Topalović, novinarka BHT1.

Sjednicom je predsjedavao Vjekoslav Bevanda, predsjedavajući Komisije.

Za sjednicu je predložen sljedeći

DNEVNI RED

1. Usvajanje Zapisnika 2. sjednice Komisije;
2. Razmatranje Prijedloga zakona o izmjenama Zakona o plaćama i naknadama u institucijama Bosne i Hercegovine – prva komisijska faza (predlagač: Klub poslanika SBB-a BiH);
3. Razmatranje Izvještaja o izvršenju Budžeta institucija BiH i međunarodnih obaveza BiH za period januar – juni 2014. godine (podnosilac: Predsjedništvo BiH);
4. Razmatranje Izvještaja o izvršenoj reviziji učinka o temi: „Izdaci za sudske sporove“ (sačinilac: Ured za reviziju institucija BiH);
5. Razmatranje Izvještaja o izvršenoj reviziji učinka o temi: „Kontrola zračnog saobraćaja BiH“ (sačinilac: Ured za reviziju institucija BiH);
6. Razmatranje Plana postupanja Ministarstva finansija i trezora BiH po preporukama Ureda za reviziju institucija BiH, prema Izvještaju revizije učinka o temi: „Upravljanje ugovorima o djelu i ugovorima o privremenim i povremenim poslovima“ (podnosilac: Vijeće ministara BiH);
7. Razmatranje Izvještaja o radu Komisije za finansije i budžet Predstavničkog doma PSBiH za 2014. godinu (sačinilac: Ured sekretara Komisije za finansije i budžet PDPSBiH).

Predsjedavajući Komisije predložio je izmjenu naziva tačke 2. dnevnog reda: „Razmatranje Prijedloga zakona o izmjenama Zakona o plaćama i naknadama u institucijama Bosne i Hercegovine“ tako da glasi: „Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine“, predlagač: poslanici iz Kluba SBBBiH.

Kako nije bilo drugih primjedbi na predloženi dnevni red, predsjedavajući Komisije zatražio je da se članovi Komisije izjasne o uloženoj korekciji, te konstatirao da je jednoglasno prihvaćena korekcija dnevnog reda.

Zatim je zatražio da se članovi Komisije izjasne o **izmijenjenom dnevnom redu**, te konstatirao da je jednoglasno usvojen sljedeći

Dnevni red

1. Usvajanje Zapisnika 2. sjednice Komisije;
2. Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine – prva komisijska faza (predlagač: poslanici iz Kluba SBBBiH);
3. Razmatranje Izvještaja o izvršenju Budžeta institucija BiH i međunarodnih obaveza BiH za period januar – juni 2014. godine (podnosilac: Predsjedništvo BiH);
4. Razmatranje Izvještaja o izvršenoj reviziji učinka o temi: „Izdaci za sudske sporove“ (sačinilac: Ured za reviziju institucija BiH);
5. Razmatranje Izvještaja o izvršenoj reviziji učinka o temi: „Kontrola zračnog saobraćaja BiH“ (sačinilac: Ured za reviziju institucija BiH);
6. Razmatranje Plana postupanja Ministarstva finansija i trezora BiH po preporukama Ureda za reviziju institucija BiH, prema Izvještaju revizije učinka o temi: „Upravljanje

- ugovorima o djelu i ugovorima o privremenim i povremenim poslovima“ (podnosilac: Vijeće ministara BiH);
7. Razmatranje Izvještaja o radu Komisije za finansije i budžet Predstavničkog doma PSBiH za 2014. godinu (sačinilac: Ured sekretara Komisije za finansije i budžet PDPSBiH);
8. Tekuća pitanja.

Ad. 1. Usvajanje Zapisnika 2. sjednice Komisije

Zapisnik 2. sjednice Komisije za finansije i budžet usvojen je jednoglasno, bez primjedbi.

Ad. 2. Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine – prva komisijska faza (predlagač: poslanici iz Kluba SBBBiH)

Prijedlog zakona o izmjeni Zakona o plaćama i naknadama u institucijama Bosne i Hercegovine obrazložio je Mirsad Đonlagić, poslanik iz Kluba SBBBiH u Predstavničkom domu Parlamentarne skupštine BiH.

Potom je otvorena rasprava u kojoj su učestvovali: Vjekoslav Bevanda, Dušanka Majkić, Aleksandra Pandurević, Jasmin Emrić, Mirsad Đonlagić i Sehija Mujkanović, pomoćnica ministra finansija i trezora BiH.

Nakon rasprave Komisija je jednoglasno usvojila sljedeći

Zaključak

„Komisija za finansije i budžet Predstavničkog doma PSBiH odgađa izjašnjavanje o Prijedlogu zakona o izmjeni Zakona o plaćama i naknadama u institucijama Bosne i Hercegovine i traži od Vijeća ministara BiH da u roku od 10 dana Komisiji dostavi mišljenje o Prijedlogu zakona.“

Ad. 3. Razmatranje Izvještaja o izvršenju Budžeta institucija BiH i međunarodnih obaveza BiH za period januar – juni 2014. godine (podnosilac: Predsjedništvo BiH)

Izvještaj o izvršenju Budžeta institucija BiH i međunarodnih obaveza BiH za period januar – juni 2014. godinu obrazložio je Vlatko Dugandžić, pomoćnik ministra finansija i trezora BiH.

Potom je otvorena rasprava u kojoj su učestvovali: Dušanka Majkić, Vjekoslav Bevanda i Vlatko Dugandžić, pomoćnik ministra finansija i trezora BiH.

Nakon rasprave predsjedavajući Komisije je konstatirao da je Komisija primila k znanju materijal iz ove tačke dnevnog reda.

Komisija je također, s pet glasova „za“ i dva glasa „suzdržan“, donijela sljedeće zaključke:

1. Komisija za finansije i budžet Predstavničkog doma Parlamentarne skupštine BiH traži od Tužilaštva BiH da u najkraćem roku dostavi informaciju o tome:

- kako i na koji način su primljene 22 osobe koje se finansiraju iz donatorskih sredstava;
- do kada su zaključeni ugovori s tim osobama i
- jesu li radna mjesta na kojima rade sistematizirana u Pravilniku Tužilaštva Bosne i Hercegovine.

2. Komisija za finansije i budžet Predstavničkog doma Parlamentarne skupštine BiH traži od Visokog sudskog i tužilačkog vijeća BiH da u najkraćem roku dostavi informaciju o tome:

- kako i na koji način su primljene 54 osobe koje se finansiraju iz donatorskih sredstava;
- do kada su zaključeni ugovori s tim osobama i
- jesu li radna mjesta na kojim rade sistematizirana u Pravilniku Visokog sudskog i tužilačkog vijeća Bosne i Hercegovine.

Ad. 4. Razmatranje Izvještaja o izvršenoj reviziji učinka o temi: „Izdaci za sudske sporove“ (sačinilac: Ured za reviziju institucija BiH)

Izvještaj o izvršenoj reviziji učinka o temi: „Izdaci za sudske sporove“ obrazložio je Dževad Nekić, zamjenik generalnog revizora u Uredu za reviziju institucija BiH.

Potom je otvorena rasprava u kojoj su učestvovali: Damir Bećirović, Vjekoslav Bevanda, Aleksandra Pandurević, Dušanka Majkić, Salko Sokolović, Mirsad Isaković, Dragoljub Reljić, sekretar PDPSBiH, i Dževad Nekić, zamjenik generalnog revizora u Uredu za reviziju institucija BiH.

Nakon rasprave Komisija je jednoglasno prihvatila Izvještaj o izvršenoj reviziji učinka o temi: „Izdaci za sudske sporove“.

Ad. 5. Razmatranje Izvještaja o izvršenoj reviziji učinka o temi: „Kontrola zračnog saobraćaja BiH“ (sačinilac: Ured za reviziju institucija BiH)

Izvještaj o izvršenoj reviziji učinka o temi: „Kontrola zračnog saobraćaja BiH“ obrazložila je Božana Trninić, zamjenica generalnog revizora u Uredu za reviziju institucija BiH.

Potom je otvorena rasprava u kojoj su učestvovali: Dušanka Majkić, Vjekoslav Bevanda, Marinko Šimunović, zamjenik generalnog direktora Direkcije za civilno zrakoplovstvo BiH, Marin Raspudić, vršilac dužnosti direktora Agencije, i Omer Kulić, predsjedavajući Vijeća Agencije za pružanje usluga u zračnoj plovidbi BiH.

Nakon rasprave Komisija je jednoglasno prihvatila Izvještaj o izvršenoj reviziji učinka o temi: „Kontrola zračnog saobraćaja BiH“.

Ad. 6. Razmatranje Plana postupanja Ministarstva finansija i trezora BiH po preporukama Ureda za reviziju institucija BiH, prema Izvještaju revizije učinka o temi: „Upravljanje ugovorima o djelu i ugovorima o privremenim i povremenim poslovima“ (podnosilac: Vijeće ministara BiH)

Vlatko Dugandžić, pomoćnik ministra finansija i trezora BiH, obrazložio je Plan postupanja Ministarstva finansija i trezora BiH po preporukama Ureda za reviziju institucija BiH, prema Izvještaju revizije učinka o temi: „Upravljanje ugovorima o djelu i ugovorima o privremenim i povremenim poslovima“.

Predsjedavajući Komisije konstatirao je da je Komisija primila k znanju materijal iz ove tačke dnevnog reda.

Ad. 7. Razmatranje Izvještaja o radu Komisije za finansije i budžet Predstavničkog doma PSBiH za 2014. godinu (sačinilac: Ured sekretara Komisije za finansije i budžet PDPSBiH)

Izvještaj o radu Komisije za finansije i budžet Predstavničkog doma PSBiH za 2014. godinu obrazložio je Željko Kosmajac, sekretar Komisije za finansije i budžet Predstavničkog doma Parlamentarne skupštine BiH.

Potom je Komisija jednoglasno usvojila Izvještaj o radu Komisije za finansije i budžet Predstavničkog doma PSBiH za 2014. godinu.

Ad. 8. Tekuća pitanja

Predsjedavajući Komisije upoznao je članove s pozivom Vestminsterske fondacije za demokratiju i Mreže parlamentarnih komisija za ekonomiju, finansije i evropske integracije zamaļa Zapadnog Balkana da prisustvuju konferenciji pod nazivom „*Parlamentarni budžetski i finansijski nadzor u zemljama Zapadnog Balkana*“, koja će biti održana u Tirani od 19. do 22. februara 2015., te zadužio Ured sekretara Komisije za finansije i budžet Predstavničkog doma PSBiH da obavi konsultacije u vezi s učešćem članova Komisije na ovoj konferenciji.

Sekretar Komisije

Željko Kosmajac

Predsjedavajući Komisije

Vjekoslav Bevanda

Prilog: Neautorizirani transkript 3. sjednice Komisije za finansije i budžet PDPSBiH.